

Vitour Gelu

- **Lou Garagai**

- **Mèste Ancerro
vo lou vieiugi**



C.I.E.L. d'Oc

Centre International de l'Écrit en Langue d'Oc

3 Place Joffre, 13130 Berre L'Étang

<http://www.lpl.univ-aix.fr/ciel/>

Vitour Gelu

Chansons provençales

Lou Garagai

**Marseille
Etienne Camoin
1, Rue Canebière
1872**

Mèste Ancerro vo lou vieiugi

**Marseille
Camoin Frères
4 Rue Saint Ferréol
1863**

Lou Garagai

Air du cantique: L'Ame de la Pologne:

«Tout peuple fier qui sous les cieux respire.»

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

Qu t'ouurié di, Sama, paoure lavaire,
Qu'un jou series mestre ouou moulin d'Aren;
Qu'ouou beou l'intra l'i veuries dé tou caire
La beneranço empli teis amouren?
Que dé façoun, dé crei é d'avanturo,
N'ouuries dé soutro ouou bou d'un pareou d'an,
Per regala dé bono é dé dooururo
Tei viei paren, ta fremo é teis enfan?
Avies proufi, santa, couragi,
Lou paradis din toun meinagi;
A la pleno flou dé toun iagi,
Eres consou doou terradou!
Tan dé ben-estre t'empachavo;
Mai quan per tu Marto fielavo,
L'ouuzies doun pa qué ti quielavo:
Sama, vengues plu jugadou!

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

Dato dé lun toun fué per la broucanto;
Ei den dé la jugaves dé cartoun;
Ei queisselaou tei bïo é tei viranto,
Mandaves tout à ragi oou parantoun.
Ua pouu pu tar, quan aneres ei Frèro,
Endemounia per fa vira dé dous;
Qu'untei bouiroun ei pocho dé ta mèro,
Qué dé dardèno as manda à pielo o crous!

Toun pèro à bou dé sei bãïoco,
Las dé pouarge à soun fiou la broco,
Ti l'empaié senso enquivoquo,
Siei més aprè la coumunien.
Alor, mouestran quaouque judici,
Lun dé ti couta din lou vici,
Digueres: vuei mi counvertissi;
Moun pero a dré: siou qu'un voourrien.

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

Alor souené toun ouro d'estre sagi,
Alor meten testo soouto oou travai,
Dès an dé filo espragneres tei gagi,
Senso arrisqua la çantimo oou degai.
Din lou chantié qué t'avié vi manobro,
Pui aprendris, pui moundaire en darnié,
A paou à paou li vengueres tout-obro;
Enfin cor-mestre é gendre doou moounié.

Prouvi dé toun galan levame,
Qu'engermissié mies qué dé grame,
Su teis uou ti senteres flame
E ben engrana per toujou;
Es qué ren oou mounde vou flato,
Couro d'engreissa la pignato
Em aquelo granaio plato
Qu'es imou de vouesto suzou.

Doou jué s'esperes ta fortune,
Sama, fas un mooudi pantai:
Mai toun bridoun quité pui la fuvèlo,
E ti vaqui couchan, lei jou dé trin,

Cur é carreou, piquo é trèflo, ancro, estèlo,
Lèbre é vaneou, pardigaou é bè fin;
Ben raramen ta bièto èro pouarco,
Tamben, esfrai dei marchando d'oubli,
Fasies dana lei juguso dé touarco,
E candissies lei lien doou biribi.

«Aqueou Sama delonguo gagno,
«Fasien: eou la soou la magagno,
«Per fuoutra soun nis en Cooucagno;
«Qué roumpu! lascia-lou veni!»
Casses dé mousco à la fichouiro;
Toun biaou n'en fas-uno clapouiro;
Clavèlo ta palancadouiro,
Que tei rescloouvado an feni.

Doou jué s'esperes ta fortune,
Sama, fas un mooudi panrai:
Ooutan voudrié souta la luno
Din lou goufre doou garagai.

Entre vesin mounta vouesto chambrado
De boueis ami, toutei gen dé mestié;
Vou soougissè per passa la viado
En fen pichouno é liegen lei papié.
Un beou souar dies: «N'aven lei braio pleno
«Dé la quadroto é doou piqué voulur;
«S'assageavian uno Domeniquèno!
«Oou soou, pa mai! l'ouurié-ti gran malur!»

As mai parti din la travèssou,
Desavia, doou soou à la pèço,
Deman, lei pognado d'espèço,
Aprè-deman lei sa d'escu!
Triste fleou! toun maou es à l'ouesse;
La gé dé taceou qué l'amouesse,
Sies coundana, fouu qué ti touesse;
Qu'a la grangrèno a proun viscu.

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

Vas dé l'avan; escoutes lei coulèguo;
Ti dien: «l'ouurié gé dé pan à l'oustaou,
«Quicho, Sama! monte un pòourous si nèguo,
«Tou perié du reten l'azar esclaou!
Coouvin dei carto a paga sa bastido;
«Dooumas li duou sei miou revengu;
«An pas caia contro d'uno fugido;
«En tenen coou an fa cé qu'an vougu»
«Coumo l'aiguo suive sa pento,
«A visto d'uoï ta masso aoumento;
«Pountes quienze louei, n'adue; trento,
«Cinquanto, n'en estremes cen.»
Vivo sa facho ei cambarado,
Qué per doumta la moouparado
E per cuéï l'or à palado
M'an ensigna lou bouen mouien.

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

«Pouedi pa perdre! Eme la martengalo
«Qu'ai coumbina, lou gro-lo m'es degu!
«Mi veirieou-ti varaia su l'escalo,
«Perirai pa: tènï moun coou segu!
«Moun nas mi di lei secrè dé la passo;
«L'intermitenci es ben mies moun Pèrrou!
«Un, tres, sè, vin, é pui parouli-masso:
«Su lou bouenur voou metre lei farrou!
Per pessuga quououqueï girèlo,
«Ieou mi limarieou lei cervèlo!
«Oh! qué noun! Larguo touto vèlo!
«La suro bouffo: fouu venta!
«Guèrro ei bié dé papié fouele,
«Qu'à Paris si pintoun ouu mouele!
«Es alin qué vaou tira ouu vouele;
«Es eleï qué vaou recorta!... »

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

«Ai lou gro grun dé saou su l'embourigou:
«Voueli pesca dedin lei grandei mar!
«Sabi lou biai d'arramba lei Roudrigou:
«Dé cri-dé-cra mi soubrarai ma par!
«Serieou bessai un paou jus dé lituro;
«Mai per juga sé vaou à Gipotoù,
«Dé moun francè degun prendra mesuro:
«Lei saqué plen agradoun dé pertoù.
 «Foussi-t'i bardò dei mountagno,
 «Mi bastara d'uno campagno
 «Din sei baza dé l'Alemagno,
 «Per trouva ma Californié!...
 «Ben pu piegi qué l'avalanco,
 «En lei forçan jusqu'à l'estanco,
 «Li lei farai soouta sei banquo!
 «S'en souvendran doou Farinié!...»

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

Vouei, d'en premié souven ti fa bouqueto
L'ogro d'infer qué ti devourara.
Toun fourneiroun, à tou coou dé langueto
Doou batareou, rageo a fieou desira.
Es pa enca tem qué ta veno rameisse:
Ti cargues d'or; gagnes doou gro doou bras;
Mai, en mangan sé toun apeti creisse,
N'en sies pamen ni pu fres, ni pu gras!...
 Eh! qué voues gagna, santibèli!
 La terro de moussu dé ***?
 Talabò? lou casteou Bourrèli?
 Pren toun aren; aplanto-ti!...
 Oou men croumpo dé tei peceto
 Lei caraman é lei traveto
 D'un cabanoun su la placeto:
 A tei puou blan saouvo un abri!...

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

En enverguan lei boto dé sè lègno
Per escala su la cimo doou baou,
Toun songi d'or à souvè ti despleguo
Un beou riban dé quoué qu'a gé dé traou!...
Leis uei benda courres ouu precipici;
Cooquan lei flou qu'apaioun lou camin:
Boumbo-li! vai! Dei crous é dei suplici
Ta jouissuro es qué l'entanterin!

Coumo ouu Gran-Tur dedin sei teso,
Dei delici lou fai ti peso;
Dé la croto à la ginouveso
Tei palai soun alumina!
Mai ti van douna lei sourniero
Tan dé milo lume à la tiero;
Seras qu'un gus dei Pegoulièro
Doou moumen qu'ouras aplanà!

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

As ooublida qu'ouu jou deis aiguo sumo,
Fa bouen avé soun toupin dé pan-cué.
Dei man trooucado enrègues la coustumo:
Leisses ana ta barquo en dèso-iué!
Per lei plesi pu brulan qu'uno bouiesso,
En ti passan tei milo fantasié,
Chiffres pa plu cé qué coungruen d'engoueiso
Nervi tesa, sot orguei, gran goousié!...

Dé san-su gaves uno suito:
Vin cameou ti fan la counduito;
Cé qué t'es vengu dé la fluito,
Va coumbourisse lou tambour!
Toun or tuto coumo la paio
Quan gaffouies din la mouscaio
Eme dé bando dé canaio
Qué ti lacharan ouu tem sour!...

Doou jué s'esperes ta fortune,
Sama, fas un moundi pantai:
Ooutan voudrié souta la luno
Din lou goufre doou Garagai.

Doou ben soulé qu'en tei foulié degaies,
Oh! qué d'urous faries à toun entour!
Cent affama qué brutamen rabaies,
Li trouvarien soun gaou é soun ounour!
Qué d'inoucen n'ourien sei camiseta!
Qué dé groulié soun bouen plateau dé cur!
Dé gavouetoun, sa caisso é sei vergeto,
Tou l'artirai qu'armegeo un decroutur!..

Cé qué ti couestoun tei landrino,
Ti voudrié, de tan dé mesquino,
Qué lou besoun maou encamino,
Un cieles dé benedicien!
Mai, en mourregean din l'orduro
As pa un mié, mouestre dé naturo
Per sabouna tei pourrituro,
D'uno boueno obro d'oucasien!...

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

Dé tei gazan per avena la sourço,
Per manteni toun tran-tran dé gourrin,
Sé voues nouza la mendro pacho en Bourso,
Qu'es lou sensaou qué sera toun peirin?
Ei negoucian as agouta toun crèdi;
Oou Pavaïoun cadun ti mouestro oou dé;
Dejà l'uissié mascaro seis acèdi
Qué rouïgaran lou paou dé tei roudé!

Vuno à vono vies tei pratiquo,
Viran lou cuou à ta fabriquo,
Ti planta coumo l'as dé piquo,
O poustifera jugadou!...
Dei vèrre portan la bandiero,
Quan fas toun fier din lei carriero,
Sies espouvantaou dé figuiero
Per tou brave travaiadou!

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

Mai toun bouenur, qué cresies dé coumando,
T'adue plu gé dé noou ouu bacarra;
Sentes veni lou bouei dé la debrando:
Tei coou segu servoun qu'à t'amourra!...
Peforço-ti I Fignolo din ta testo
Tei bei carcu qu'an ruissi tan dé fé!
Triplo tei miso! acrè! mando toun resto;
E bouffo-li: crebaras tei bouffé!...

Aquelei bié qu'à gran peno
Avies enliassa per dougeno,
Leis escamparas à centeno:
As uno favo espetacloué!...
Visen ta fuado que debano,
Voues courre à l'aprè dé ta grano;
Mai li perdes la tremountano,
Perqué Marto a rou sa fieloué!...

Doou jué s'espeles la fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

Ti fises plu déjà dé toun estèlo:
Venes Jaci coumo tou viei tranto-an;
Sies espoouri d'un ta dé bagatèlo
Qué fan plega leis espalo ei peisan!
Su lou planchié vas marca dé toumeto
Per li sangea d'asseti d'escoundoun;
Prenes à ti toun vesin la coumeto
Qué t'oura mé lou pè su toun barroun!...

Tu, l'arrougan, lou galegeaire,
Dei partido tu, l'amassaire,
En qué ti reduise, pechaire!
La taffo dé l'aié foundu!
Ti signes coumo lei devoto;
E lou san-plu dé tei mascoto
Es d'encafurna din tei boto
Un troué dé couardo dé pendu!

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

Tei mascarié denotoun ta feblesso;
Dei simagrèio ouou poussieou l'a qu'uu pas;
T'ai vi toumba dé fusado en bassesso,
E ti veirai devala ben pu bas!
Per pedassa lei traou dé ta debino
L'emplegaras l'estè dei Fariber:
Dei lai benoua la bourraras la mino,
Qué lou verin es ouou nis dé la ser!
Dei sambi calignes la troupo;
Fas lou pouen; fas soouta la coupo:
Dedin la mancho dé ta roupo
Gardes lei rei, à l'escarta!
As dé vis souto tei semèlo;
E s'uno cassio roudèlo,
Dies: «Ti cooussigui; vène, bèlo!
«Esento-mi doou prorata!...»

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

Pui, en campas, la premiero masuro
Ti servira dé posto eis estourneou.
Lei plumaras touei vieou: ta vido es duro,
E l'a lon tem qué sies plu pigeouneou!
Ei quatre ven paouses dé santinèlo;
Per chouria l'aguè dei pouliçoun:
E zou! dessu leis agneou!... «qu rampèlo?
«Qu n'en voou mai?... qu'a dé piàrre ouou boussoun!...»
A peno sia souto leis armo,
Tei vedeto souenoun l'alarmo:
«Lei gendarmo!... eici lei gendarmo!...»
E ta chiurmo passo per uei!
Sé leis arpien dé la justici
Leissoun esquia tei coumplici,
As lou guierdoun dé la brutici,
Tu; restes un an din l'estuei!...

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

Ah! vai-ti pui remetre à la fourniero
Tou lou fran-dieou dé la nué, per tres fran!
Tounde leis uou; empasso dé poussiero;
Miraio-ti din tei quatre viran!
Lei sa soun lour! es aouto l'entremueio!...
As enfounça lou pè mounté luzié;
E, coumo as troou fangegea din la sueio,
Per n'en sorti troves ni ner ni pié!

Mouyenan douei pouce dé destre,
Dé varlé si poou passa mestre;
Aprè d'un sanglant escooufestre,
A touto plaguò soun ciera.
Mai tu, dei capoun Jan-trepasso,
Minable, couquin é coouvasso,
Sies plu bouen qu'à branda la biasso:
E degun ti la garnira!...

Doou jué s'espéres ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

Oou grant oustaou va rescountra sei terme
Lou juguo-tou qué dé l'estro tamié.
Lou gro-fava l'intro nus coumo un verme;
Lou gros-urous ren qu'emé la camié!...
Per tu serié qué miegeo bastounado;
Mai toun viei paire a peta dé chagrin;
Ta fremo (un angi!) ei Fouele ti l'an tuado;
Marrias! ta mèro a fa la memo fin!...

E lou restan dé ta famïo,
Tei nistouné, ta joueino fio,
Orfelin vouignu dé pourïo,
Qué devendran?... Li songes-ti?...
As pa un corchoun su ta canisso;
Duves vint-un mes dé nourriço,
E vas taia din ta loouvisso
La vandomo deis abruti!...

Doou jué s'esperes ta fortune,
Sama, fas un mooudi pantai:
Ooutan voudrié souta la luno
Din lou goufre doou Garagai.

Din toun chambroun, cura per la misèro,
As vi basti lou judas dé l'espouar;
Ti resto enca l'entre-dous d'en galèro
E l'uoï-dé-buou qu'a visto su la mouar!...
Sé tenies men à ta tristo carcasso,
Ti dirieou proun qué tout ome dé san,
En si senten per miecho ouro à ta plaço,
Si farié leou soouta lou cabestran!...

Mai, chu su dé talei pensado:
Sabi trouu ben, ô carougnado!
Qué passa un mourou à la bugado,
Es perdre lissiou é saboun!
Dé tresor la cabesso pleno,
Toujou countaras su ta veno,
Meme en tirassan la cadeno
Dedin l'arsenaou dé Touloun!...

Doou jué qu'espero sa fortune,
Sama, fa qu'un mooudi pantai:
Ooutan voudrié souta la luno
Din lou goufre doou Garagai.

Fouele oou jué qu cerquo fortune
E crei fini coumo Branchai!
Fouele que voou souta la luno
Dins lou goufre doou Garagai!

Roquevaire, février 1865.

VICTOR GELU.



Mèste Ancerro vo lou vieiugi

**AIR: Passez votre ch'min, beau sire.
ou On parlera de sa gloire
(Béranger).**

D'adè-matin espelisses;
Lou creveou ti pende oou cuou;
E, per escapa doou courruou,
D'estre viei poulas ti languisses!...
Se sabies, paoure inoucen,
Qué fouchou dé mousissugi
Lei puou blan é lou bouen sen
Cavoun oou pies doou vieiugi!
«Oh! qué l'Angi digue: Amen!
«Un claveou! faries: Qué fugi
«Lou frouncissugi!...»
Pieouto, saouto, vouelo, pito;
Sies defornieou, gai coumo un pei:
Resto jouine, vai, Nevito!
Moun pardigaou, vengues pas viei!
Ti fagues pas viei!

Mi vies ben, ieou, Meste Ancerro,
Rouve arna, tineou degli:
Ai men dé crin que dé pli;
Resto que cin den à ma serro!

E-ben! ieou, dei tounelié
En estrenan la dolouaro,
Ieou tamben à l'atelié
Ai dooura tei balançouaro!...
Dé mous aigre, é fouesso liè:
En douei mò, vaqui l'istouaro
Dé ma passouaro!...
Pieouto, saouto , vouelo, pito, etc

Ta dé fouele qué sian touti!...
Sooutan eme l'escaboué
Qué s'estrasso din l'abroué:
«Tu l'as peta; ieou mi li bouti!...»
Lou presen n'es defendu:
Ei Tata revan dé danso;
Doou frui aspre ouu troou madu
Courren senso emplì la panso;
Ver é sé quan soun foundu,
Doou jugué dé l'esperanço
Coupàn la ganso!
Pieouto, saouto, vouelo, pito etc.

Lou dijoou, sies fran d'escolo:
Grò-lò qu'a pa soun parié!
Oou velous dei pradarié
Es lou gran jou dei cabriolo!...
Escoulìan, ramarcìé Dieou:
Dei diaman dé milo estèlo
T'a brouda lou blu manteou
Doou cieles qué t'encapèlo!...
Coumo luze, lou souleou!
E lei flou, coumo soun bèlo,
Quan soun nouvèlo!...
Pieouto, saouto, vouelo, pito, etc.

Dous tourmen doou pieouzelagi!
Braso vivo dei sexe an!...
Mounte mai reflouriran
Teis amour sani doou bel iagi!...
D'un souspir quan t'a flata
La premiero fouletouno
Deven fèni dé beouta
Qué merito la courouno!...

Li prepares soun oouta;
E, lou jou qu'à tu si douno,
Es ta patrouno!...
Pieouto, saouto, vouelo , pilo , etc.

Mièto, quan mi parlavo,
Doou tem qu'èri à Moussu Baou,
A coou dé poumo, à l'enclaou,
Dé dessoutoun mi debutavo...
Qu'espinesse un paou doou su,
Ieou, qué din l'er la fleiravi,
Per mi li lança dessu
Jugeo sé mi debregavi!
Qué dé bâbo é dè pessu,
Paoure ieou, quan l'agantavi!...
Mi n'en lipavi!...
Pieouto, saouto, vouelo, pito, etc.

Ma Mièto avié lei roueito
D'un bel ambricò pouman;
De prefum embooussuman
Soun cor menin èro uno boueito.
Lou lan dé seis uei mutin
Ti pouignié coumo uno aleno;
Su sa caro dé satin
Visies bluregea lei veno!...
Ieri, roso é joussemin
Soun ana nounte lei meno
La sètanteno!...
Pieouto, saouto, vouelo, pito, etc.

Joueine, sies uno ooumarino
Que ti plegues à plesi;
Lou rouei a pa enca goousi
Lei charniero dé teis esquino!...
Viei, assageo dé clina
Ta carcasso qué trampèlo:
Quicho!... Mai sies derena!..
Lou sin manquo à ta carrèlo!
Quan vènes per ameina,
Roumpes toulei teis estèlo,
Blouco é bretèlo!..
Pieouto, saouto, vouelo, pito, etc

Intres à ntuno guinguèto,
Lou vouele dei regala
Creido: «Eh! vivo lou Brula!...»
Partes, la bando ti regrèto!...
Ieou, sé li vaou, dien en cur:
«Es mai eici, lou jaissaire!
«Cran-cran tirasso-malur
«Qué n'enmasquo lei cantaire!...
«Oou mitan dei riboutur
«Crei-li d'avé dé coumpaire,
«Aqueou renaire!..»
Pieouto, saoulo, vouelo, pilo, etc.

Cadeou, trei passien brutalo,
L'argen, l'odi, l'embicien,
T'estreignen din seis arpien,
Ti fan gé dé plaguo mortalo!...
Tou frui a garda soun meou;
Touto fouen soun aiguo claro;
Toun couleguo es senso feou;
Ta mestresso es pa bijarro!...
S'un ami fa parla d'euo,
Jamai su sei vertu raro
Lèves la taro!...
Pieouto, saouto, vouelo, pito, etc.

Madu, tou faoussou mounedo,
Fanfarlucho é breguetian!
Dé pertou, coumo ei marchan,
Dé coutoun lustra per dé sedo!...
Prenes lou mounde en degous;
As l'infer din ta camiso;
Sies moudourrou, souspichous:
Cadun dé tu si marfiso!...
Poou pa gaire escupi dous,
Qu masteguo d'arquemiso,
O barbo griso!...
Picouto, saouto, vouelo, pito, etc.

Dé la terro qué t'espero
Vies veni la pourridié,
E l'esfrai qué ttenrabié
Dé teis er,goueisso enflo la tiero!...

Tout encagno toun morbin:
Qu ti fresto t'escortuguo,
Ti cooussiguo un agacin,
T'enverino uno barruguo!...
Toun viei cur, Moussu Tendrin,
Duro escaoumo dé tortuguo,
Es tou belugno!...
Pieouto, saouto, vouelo, pito, etc.

«Angi, véne qué t'embrassi!»
Vas dire à n'un fres Nini.
— «Vouei, moun beou!... Buai!...» Sies puni
D'avé bava su tan dé graci.
Leou, leou, elo, eme la man
Touarquo é freto sa migrano;
Pui va belsa soun galan,
E touei dous ti fan lei bano!...
Fio enganan un barban
Qué lou bru peca dooumino,
Gagno lou quino!...
Pieouto, saouto, vouelo, pito, etc.

Dies: «En l'apuyan su l'ouesse,
«L'ai sentudo, la toumié!...»
D'un tresor fas un fumié
Senso qué toun pégin s'amouesse!
Triste plastroun dei jouven,
Estre força, quan fas muso,
Tu, dé teni lou calen
Oou fandangou qué s'amuso!...
Dé jalouso frenizien
Toun cadabre n'en tressuzo,
San dé macruso!...
Picouto, saouto, vouelo, pito, etc.

«A siei crous, viro bandiero!»
Ti v'a di, toun medecin:
«Douarbe ta croto doou vin;
«E fermo ben ta cavaliero!»
Mai qué serto un bouen avis,
S'ouo lué dé toun claré paio,
As besoun d'aiguo-d'arris
Per escura teis entraio!...

Dei den, deis uei, de l'outis,
Douguo à douguo, ta futaio
Si desgargaio!...
Picouto, saouto, vouelo, pilo, etc.

Lou souleou, brasié qué mouere,
Ti leisso caia toun san;
La luno, astre en ferri blan,
A pa un rai qué noun ti descouere!
Lou printem, dé sei sentou,
En t'embeiman, t'empouisouno;
L'estieou duro à pèno un jou;
Ploou vo nèvo tou l'outouno;
E l'iver a gé dé bou!...
Coumo tu, Maire Naturo
Si descorduro!...
Pieouto, saouto , vouelo , pito, etc.

Dé coou d'arno en roumatime,
Dé tisano en lavamen,
T'escarfes oussoulumen
Coumo un liar dé l'Ancien-Regime!...
A toun cerveou pregami
Quan mentisse la memouaro;
Quan as perdu lou dormi,
Lou via, la fam, lou bouaro,
Tei paren, tei boueis ami,
As pui l'afrouso misèri
Doou samentèri!...
Pieouto, saoulo, vouelo, pilo, etc.

De la Maigro l'esqueleto,
Encamban toun bardaquin,
Su lou bor dé toun coueissin
Ti gassaiara sei clicleto!...
A quatorze pan d'outou
Oouziras sa vouas qué plouro
Coumo un cris dé lou-garou,
Ti souena touei lei quar-d'ouro;
E tu, tregitan d'ourrou,
Faras: «Moun Dieou! qu souu qu'ouro
«Dindara l'ouro!...»
Pieouto, saouto, vouelo, pilo, etc.

Doun, as plu per cambarado
Qué l'espètro de la mouar!
Despui l'aoubo fincou ouou souar
Dé soun dai ti marquo lei piado!...
E lou mouyen d'abari!
Ta sepo a rima soun uourre;
Dieou li soourrié plu gari:
Toun duoute poou pa prouscricieoure:
Esten joueine, poues mourri;
Mai esten viei, poues pa vieoure!...
Noun, poues pa vieoure!...
Picoulo, saoulo, vouelo, pito, etc

Urous sé, d'uno aoutro vido,
Oou pu prefoun dé toun couar
As encantouna l'espouar:
Qué alor tei peno soun fenido!
Joueino, viei, gaiar, malaou,
Vas soumiã ben tranquile:
Per trumenta toun repaou
Lou diable es pa proun abile!
Toujou lès per fa lou saou,
Deman!... vui!... que t'ensoucites?
Quan ressucites!...
Pieouto, saouto, vouelo, pito;
Sies defornieou, gai coumo un pei:
Gardo ta fe, bouen Nevito!
Meme à cent an, l'ome que crei
Sera jamai viei!



Tèste integrau

Còpi interdicho

Reserva pèr aquéli qu'an la licènci d'utilisacioun

C.I.E.L. d'Oc

Centre International de l'Écrit en Langue d'Oc

Sèti souciau:

3, plaço Joffre - 13130 Berro.

Tóuti dre reserva - Tous droits réservés - All right reserved.

© **Centre International de l'Écrit en Langue d'Oc - 1999**

© Adoubamen dóu tèste : CIEL d'Oc

Meso en pajo e maqueto : Tricìo Dupuy

en sa qualita de mèmbe dóu Counsèu d'Amenistracioun dóu CIEL d'Oc.